

# ГОРД ЗНАМЯ

ВКП(б)-лэн Пудемской райкомезлэн но РИК-лэн органы

## ГОСУДАРСТВОЛЫ ЕТИН СЕТОНЭЗ АЗИНЛЫКО БЫДЭСТОНО

ВКП(б)-лэн 18 тй Исторической с'ездэз сельскэй хозяйствотось ужасьёс азе пуктйз задача куиньметй сталинской пятилеткалэн пумаз арлы быдэ 8,5 миллион центнер етин мертчан потонэз обеспечить карыны, ма луэ котькуд гектарын шорлыдын 4,6 центнер урожай будэтон. Та задачаез быдэстыны понна с'ездлэн решениезлы етин бордын ужасьёс огкылын ужанэнысы вазиськызы. Соос пöлын паськыт вöлмиз Куиньметй Сталинской Пятилеткалэн нимыныз нима социалистической соревнование.

Тулысысен ик кутскыса звеноос етин уж бордын ог мылкыдын ужаменызы туэ арын синмаськымон урожай будэтйзы. Туала урожай лыдыз'я но зечлыкыз'я но кылем ар'ёсы сярись трослы орчемын. Вылй урожай понна нюр'яськыс звеноослэн кивалтйсьёсы но колхоз председател'ёс жут'кем мылкыдэн верало, что соослэн участок'ёсазы но луд'ёсазы та арын етинлэн ноку малпамтэ урожаез будэтэмын. Етинлэн вылй урожаез трослы жутэ земельной орган'ёсыс ужасьёслэсь, колхоз правлениеослэсь но вань колхозник'ёслэсь ответственностьсэс.

Етинлэсь вылй урожайзэ гинэ булэгыса уж уг быры на. Странамылы вылй номеро етин мертчан сётыны понна сое умой переработать кароно. Етинлэн мастер'ёсыз но учёнойёс верало, что етинлэсь му вылаз будыкуз одйг урожайзэ басьтйском, луэ на бэстыны кыктэтйзэ урожаез етинэз тыатыку.

Кыктэтйзэ урожаез бэстыны понна земельной орган'ёс но тросэз колхоз'ёс ляб нюр'ясько. Етин куроез дыраз вöлдэмлэсь но сое сак эскертыса воземлэсь быдэсак зависеть каре мертчанлэн потэмез но солэн зечлыкыз.

ВКП(б)-лэн ЦК-езлэн но СССР-лэн Совнаркомезлэн „1939 арын юныяз октыны-калтыны но сельскохозяйственной продукт'ёсты дасян'ёслы дасяськон сярись“ постановлениезы косэмын вал етин куро вöлдонэз одно ик август толзэе быдэстыны. Озыы ке но, та постанов-

лениез районсытымы куд'ог колхоз'ёс өз быдэстэ.

Етин куроез бер вöлдэмен куд-ог колхоз'ёс али но жутыны өз кутске на. Тани Чабыровской сельсоветысь Молотовээн нимыныз нима колхоз, Баяранской сельсоветысь „Баяран“ колхоз, Бозинской сельсоветысь „1 май“ но Еловской сельсоветысь „Труд“ но Чапаевлэн нимыныз нима колхоз'ёс уг но малпало на етин куроез жутоя сярись. Вылй верам колхоз'ёслэн руководительёсы та ужез второстепенноен лыд'яло но вань уж'ёслэсь бере кельто. Соин ик етинэз сэстонлы дасяськон уж но урод быдэсме.

Районсытымы туж ичез гинэ колхоз'ёс етин куроез жугыса государстволы сётыны кутскызы ни. Кылсярись, „Лековай“ колхоз 208 центнер интые, -543 килограмм, Кировлэн нимыныз нима колхоз 384 центнер интые, -926 килограмм, „Гзылань“ колхоз 1293 килограмм-192 центнер интые, „Костромка“ колхоз 390 центнер интые, -183 килограмм но „Совет“ колхоз 952 килограмм 108 центнер интые. Талэсь кыдёке ик өз кошке „Юскоиль“ но Горкийлэн нимыныз нима колхоз'ёс. Таослэн но выполненизы туж ичи процентлы на. Куд-ог колхоз'ёсын етин сэстон но шукчон пункт'ёсы куашкаллямын, озыы ке но, соосты ремонтировать карыны малпаськысь өвöл.

Вань первичной партийной, советской, земельной орган'ёс но колхоз правлениеос азын задача сылэ, туала етинлэсь урожайзэ азинлыко переработать карыса, государстволы дырыз дыр'я вылй номеро етин мертчан сётон. Та задачаез быдэстыны понна, етинэз переработать каронлы дасяськынысь вань тырмымтэосты матысь нунал'ёсы ик быдтыны кулэ.

Етин ужлэн мастер'ёсыз синмаськымон опыг возматэ, кызыы кулэ организовать карыны ужась кужымез но кызыы жутоно производительностез.

Колхозник'ёс но колхозницаос пöлын политико-массовой ужез умой пук оно, паськыт вöлмыгоно етин ужын социалистической соревнованиез но стахановской движениез.

## РККА-лэн Генеральной штабезлэн

### оперативной сводкаез

22 сентябре, 1939 арын

22 сентябре, Красной Армилен

Западной Белоруссиин действовать карись частьёсыз Белосток городэз но Брест-Литовск крепостез басьтйзы но Августовской нюлэс'ёсты (Гродно городлэн северо-запад палаз) польской армилэн кылем-мылем'ёсызлэсь сузяны кутскызы.

Западной Украинын Красной Армилен польской армилэсь кылем-мылем'ёссэ быдтылон операциисты нуись частьёсыз Сарнылэсь районзэ офицерской группаослэсь чылкытатйзы. Львов городлэн районаз польской армилэн частьёсызлэсь пумиг'яськонзэс быдтылон дыр'я, Красной Армилен частьёсызлы туннэ пленэ сётскызы куать пехотной дивизиос но кык стрелковой полк'ёс, Лангер генералэнызы валче.

Тырмыт даннойёстэк, 17 сентябрьысен 21 сентябрьозь польской армилэсь солдат'ёссэ но офицер'ёссэ 120 сюрс муртэ пленэ кутэмын, 380 орудииос но 1400 пулемет'ёс таламын.

## Германо-советской коммюнике

22 сентябре 1939 арын

Германской Правительство но СССР-лэн Правительствеоз германской но советской армиос куспын тупатйзы демаркационной линия, кудйз ортче Писса шур дуртй Нарев шур дорозэ, отйяз Нарев шур дуртй Буг шур дорозэ, отйяз Буг шур дуртй Висла шур дорозэ, отйяз Висла шур дуртй Сан шур дорозэ но отйяз Сан шур дуртй солэн кутскон дорозяз.

## БЕРЕ КЫЛЁ

Пудемской сельсоветысь, „Красные орлы“ но „Прогресс“ колхоз'ёслэн вань условиоссы вал ни тырмыт, чтобы етин куроез жутыса, переработать карыны кутскыны но государстволы сётыны. Туннэ нуналлы та колхоз'ёс одй килограмм но етинэс өз жутэ на.

Озыы ик уг дасясько та колхоз'ёсын етин сёстыны. Етин куасьтон пункт'ёсы тупат'ямтэ.

Пудемской сельсоветлэн председателезлы, чик жегатскытэк та колхоз'ёслэсь ужзэс тупатон вылысь нюр'яськоно.

Г. И.

## ГУРТ НИМ'ЁС ВОШТЭМЫН

Удмуртской АССР-лэн Верховной Советэзлэн Президиумезтэн ходатайствоез'я РСФСР-лэн Верховной Советэзлэн Президиумез Пудемской районысь куд-ог гурт'ёслэсь нимзэс вштон сярысь 16 сентябре 1939 арэ Указ поттйз. Та Указ'я Верхне-брюшины гуртлэсь нимзэ вштыса „МАЛИНОВКА“ каремын. Жэба гуртэз—„ГОРД ЯР“, Дураково гуртэз — „ИЗВЫЛ“.

## ВТОРОСТЕПЕННОЕН ЛЫД'Я

Тросаз колхоз'ёсын агитатор'ёс местной Совет'ёсы быр'ён'ёс сярысь Положениез но Сталинской Конституциез изучать карыны кутскизы. Соос избирательёсты люкаса кружокын избирательной законэз валэкто.

Озыы ке но, районамы избирательной законэз изучать карон кулээз'я пуктымтэ на. Тани Пудемской сельсоветэсь агитатор'ёс ялан раскачиваться карыса уло на, нош конкретной уж борды уг кутско.

„Прогресс“ колхозын Мечева но Байбородов агитатор'ёс 130 избирательёс пöлысь 37 избирателез гинэ Положениез изучать каронэн охватить карызы ни. „Красные орлы“ колхозысь Орлов но Орлов

П. И. агитатор'ёс но 50 процентсэ сяна избирательёсты кружоке кыскыны өз быгатэ на. Та колхоз'ёсысь агитатор'ёс былэн одйг - кык кружок'ёс ортчйтйзы ке но, улй качествен.

Тужгес но урод уж пуктэмын избирательной законэз валэктон'я Пудем селюын. Татсы 25 агитатор'ёс сельсоветлэн президиумынз угвердить каремын ке, соос одйгез но ас уж бордазы өз кутскылэ на.

Сельсоветлэн председателез, Казанцев эш, быр'ыськон'ёсы дасяськон ужев второстепенноен лыд'я. Соин ик та уж ас ингыяз кымыса улэ. Та сельсоветын избирательёслэсь список'ёссэс дасян но уг мыны на. Г. БАЖЕНОВ.

## ПРОДАВЕЦЛЭН УЖЕЗ

Пудемской сельполэн Лековаевской отделенияз Мышкин Степан Михайлович продавец луыса ужа. Мышкин аслэсьтыз обязанностьёсэ честно уг быдэс'я. Трос дыр'я ларекын кудзыса ужаменыз покупательёсын издеваться карыськылэ. Та лареке ваем вуз'ёс потребителёслы ичи шедё, соосты Мышкин гуртаз келя. Кылсярысь нылкышно но пиос ботинкаосты гуртаз келяз.

А.

## ПРИКАЗЛЫ ПРОТЕСТ

Пудемской сельполэн старшой бухгалтерез Яковлев 25 августэ одйг час но 30 минутлы бере кыллыса уже поттйз. Талы кулэ вал правительстволэсь 28 декабре 1938 арын „Трудовой дисциплинаез упорядочить карон сярысь“ постановлениез применить карыны, нош сельполэн председателез сое уволить карем но „по собственному желанию“ шуыса приказ гожтэм.

Пудемской районысь прокурор та приказлы протест гожтйз но правительстволэсь постановлениез нарушать карем понназ Кирпиковез йыр уж законлэн 109 статьяез'я ответственность улэ кыскыны пуктйз.

ДРЕССВЯННИКОВ.

## ЖОГЕН БЫДЭСТОНО УЖ'ЁС

Скирдовать карыны тупатэм дыр'ёс ортчизы ни, нош та уж районамы 89,2 процентлы сяна быдэстимтэ на. Скирдованиез Люмской, Горбашевской но Пудемской сельсовет'ёс гинэ 25 сентябрлы 100 процентлы быдэстйзы. Кылемез сельсовет'ёс гызмыльтыса ужало. Тани Костромской сельсоветысь колхоз'ёс та дырлы ик 65,7 процентлы сяна скирд ованизэс өз быдэстэ.

Сельсоветлэн председателэз И.К. Семакин та ужез ас эрказ лэзиз. Соин сяна бере кылемез номырин валэктыны уг луы. Та сельсоветын ик кутсаськон но чидантэм ляб мынэ. Кутсаськон план али дырлы тырмытэмын быдэсак 32,5 процентлы гинэ.

Кутсаськонэн бере кылё Лековаевской но Горбашевской сельсовет'ёс но. Таос нырысез—29,3 процентлы, кыктэтйез—32,1 процентлы сяна планзэс өз быдэстэ на.

Вераны кулэ, что та сельсовет'ёсысь колхоз'ёс вань луонлык'ёсты кутсаськонэ но скирдовать каронэ мобилизовать өз карылэ, уг но каро. Соос ялан МТС-лэсь юртэ возьмаса уло.

Б. Иванович

## Кык колхоз'ёслэн пöртэмесь уж'ёссы

Костромской сельсоветысь, „Костромка“ колхозлэн председателез Семакин эш ВКЛ(б)-лэн XVIII исторической с'ездэзлэсь арлы быдэ 8 миллиард пуд нянь басьтон сярысь решениоссэ валаз но сое уж вылын быдэстон понна нюр'яськыны кутскиз. Та колхозлы план'я 241 га кын улэ gyroно ке, 25 сентябрьлы gyroмын 222 га, яке 92,5 процент.

Али колхозлэн основной ужась кужымез етйн уж борды переклочить каремын ни.

Тани Чош ик вань сыче колхоз'ёс, куд'ёсыз кын улэ гыронэз уг дун'яло. Тани Бозинской сельсоветысь, „Память Ильича“ колхоз 130 га интые, копак 5 га гинэ кын улэ гырыз ни. Колхозлэн председателез Хаймин та ужез сантэма. Озыы ик та колхоз минеральной удобренности но уг дася.

Колхозник'ёслы Хайминлэсь ужзэ обшой собраниын обсудить карыса, вань тырмытэ интыосты чик жегатскытэк палэнтонэ. Кын улэ гырон планэз вакчи дыр кустын быдэстон понна колхозлэсь 70-80 процентсэ вал кужымзэ та уже переклочить кароно.

## Умой пример

Горбашевской сельсоветысь, „Труд“ колхоз сельсоветын вань колхоз'ёслэсь азыло мынэ котьмар ужез. Колхоз тырмытйз ни заемлы взнос тыронзэ 100 процентлы.

Местной совет'ёсы быр'ён'ёс азе дасяськон но та колхозын умой пуктэмын. Агитатор'ёс али Положениез избирательёслы валэкто.

## Факт'ёс зэмазы

Лековаевской сельсоветысь, „13 октябрь“ колхозлэн председателез сярысь „Горд Знамя“ газетлэн редакциез троспол гож'яз ни. Вань таматериал'ёсты ВЛКСМ райком но Райзо проверить карызы но материал'ёсын возматылэм факт'ёс зэмазы шуыса иворго. Райзо, озыы ик, ивортэ, что Мышкин, колхозын азыпалаз кивалтыны не способной луэменыз, колхозлэн правлениезлэсь члензэ колхоз председателе дышетскыны ыстэмын шуыса.

„Горд Знамя“ газетын „Якшур“ колхозысь тырмытэ интыос сярысь потэм материалын ваньмыз верам факт'ёс зэмазы шуыса ивортэ райзо. Та колхозысь тырмытэ интыосты палэнтны понна, райзоысь инс руктор-бухгалтер ыстэмын.

Отв. редактор — П. МАЛЫХ.